

ЛЕНИНЭНЬ КИЯВА

Мокшэрзянь обкомонь ды Саранскоень ВЛКСМ-нь ошонь комитетэнь газетаст

АПРЕЛЕНЬ

12

чи, 1935 ие

№ 38 (408)

ЛКСН: 5-це по чинь юттан

Тейтертнень комсомолонь активной роботас

Комсомолсо омбоце пель миллион тейтерь. Эшо седеяк ламо од тейтерь-аватнеде аволь комсомолсо. Покш армиясь. Неть од ломань конань улить эсист запросост эсист интересест. Сынь вешить эс-тест особой подход.

Но минек комсомольской роботас ветици-вообще од ломаньтнень ловозь. Тейтертнень те особой своеобразной ды покш группанть, роботань кой-кона отраслянтес од ломаньтнень те основной группанть, просто стувтнесыз Аня Топалова комсомолкась макссь Донбассонь 17—17-бас шахтань комсомолонь комитетэнь секретарь-тень Шандра ялганть заявления:

„Арсян модем электровозов машинистэкс. Энядан Шандра ялгай, штобу монь кучовлимиз анокста монь кис электрослесарень курсс. Тейтертне пек могут те тевсэнь роботамо. Машинистэкс роботань марто мон справлюсь. Энядан, штобу лездавлиде монень квалификациям кастомасо.“

„Аня Топалова.“

Комсомолонь шахкомонь секретарьс пугь те заявлениягь лангс истямо резолюция:

„Мон прок учеткань начальник ды десятник, лован, што те аволь тейтерень тевсэ. Киньгак тейтерт неогт курсов а кучан. Кодаткак исключений отказамс. Шандра.“

Ковгак а машгови ответсь. Комсомолонь секретарьс Шандра эзи те чарькодть тейтерень законной бажамонзо получамс сложной квалификация те бажамонть, кона свойственной минек чиньтэ эрва од ломаньтнень—церангень ды тейтерентень.

„Комсомолка-нись, комсомолка—авась лотки уш улеме. Комсомолкакс те валонть видьстэ чарькодэз Мекс? Секс, што комсомолецтне, кода эрви а мелявить сынт кисе, сеедьстэ мик овси мезекс—как а ловить семейной комсомолканть.“

Те пек виде упреконть—евтыз Велгород станциян 10 комсомолкат—тутункань ки лангонь роботницат. Комсомолка-аватнеде „Комсомолонь правданть“ сермадоманзо кувалт ламо евтыз эсист мелест.

Седеяк лавшо минек роботанок националка тейтертнень ютксо. Тень кой-косо тевс молдыть попт. Религиозной предрассудкатне, ташто коень пережиткатне улить од тейтерь-авань зярый группаньтнень сознаниясо. Нейгак мик улить национальной районтнень аволь грамотной, аволь культурной т-йтерть. Башкириясо Миякинкой районсонть 5 тыщат аволь грамотной тейтерть. Тесэ ташто коень пережиткатне истяг виевть, што тейтерьтнень икелень ладсо салить микшиить (Калым), урвакшнить мень аволь совершеннолетней лангс. Ды весе те юты наказаниявтомо. А кода дивамс сенень, што Миянкой районсо 35 первичной организациясто кемгавотнесь арась вейке як тейтерь. Башкирка-тейтерес а моли комсомолс секс, што комсомолос а ванеты сонзо праванзо, интересэнэ, а вансты диктантнень, насильниктнень эй-

Од тейтерь-аватне ютксо комсомолонь роботас пек берянь. Ламо организациява овси арась. Тейтертнень мик комсомолонь комитетс а кие марто кортамс эсист нуждност. Аволь эрва тейтерес машты кортамо комитетэнь секретарьтне марто, седеяк пек знярдо сон цера. Ды аволь эрва цера—комитетэнь секретарьс машты видьстэ чарькодэкс тейтерь—комсомолканть интересэнэ.

Ивановской промышленной области сэнть предприятияа ды комсомолсо сех ламотне од тейтерь-ават. Но областень келес 76 секретарьтне ютксо ансяк 8 тейтерть. Нама, те пек аламо, но яла теке Ивановской областес—те истямо ськамонзо. Московонь областес райкомонь 132 секретарьтне эйстэ тейтертнеде ансяк колмо.

Седе смелстэ аравтомс комсомолсо руководящей роботас тейтерь-авань активецы! Васняк тень эйсе ашти комсомолонть влияниязо од тейтерь-аватне лангс. Комсомолсо активисткань кадратне улить, бутим сынт седе парсте вешнемс, бути а педсемс формальной показательтнес. Комсомольской комитетнень истя жо эрви аравтомс таркань парганизациятнень икелев вопрос од коммунисткатнень комсомолс роботамо аравтомдонть.

Комсомолка-активистканть эрви икелев анокстамс руководящей роботас выдвиганиян кис. Характерной се, што комсомольской комвузтнестэ чуросто неят комсомолка. Те секе, што тосо тонавтиить роботыця секретарьтне ды комсоргтне. Но тевенть интереснэ вешить таргаме тезнь низовой активисткатнень—комсомолкатнень, конатнень аволь пек покш анокстамодо мейле можна аравтомс, самостоятельной активной роботас.

„Тейтерь-аватнеде минек масторсонть эрицягнень пелест, сын аштит трудонь пек покш армиякс ды сын тердэз кастомс минек эйкакшонок, минек икеле—пелень, поколениянок. Вана мекс минь не можем молдамс, штобу трудиянть те пек покш армияс кадоволь чопода чисэ ды невежествасо! Вана мекс миненек эрви шнамс трудия тейтерь-авань касыця общественной активностень ды руководящей постс сынт выдвиганиянть, те корты минек культурностень касомадонть.“ (Сталин).

Трудия тейтерь-аватнень материальной положенияст паролгавтоманть, сынт воспитаниянть, советской, партийной ды общественной роботас выдвиганиянть кисе Сталин ялганть эрва чинь заботась ашти весе минек роботанть примеркс. Комсомолонть эрви Сталин ялганть ладсо организовамс роботас од тейтерь-аватне ютксо.

„Комсомолонь правданть“ и кельсь статья).

Организовать культпозовкат

Цигатовань совхозонь комсомолской организациясь кармасть организовамо культпозовкат. Комсомолонть мабест вах видемот жар-

ПАКСЯНЬ СТАНСО—КУЛЬТУРНОЙ РОБОТА

Кочкуровань комсомолонь райкомось организоваь районной культбригада 18 ломаньстэ, кона карми якамо колхозонь паксянь стантнэва культобслуживаниян коряс. Бригадасонть улить музыкальной инструмент: 3 балалайкат, 2 гитарат, 1 гармония ды лият. Бригадась анокстась ды паксянь стансо карми невтнеме пьеса „Москвичка“. Эрва колхозсонть тосонь материалтне коряс бригадась карми невтнеме живгазета.

Культбригаданть роботасонзо покш тарка саи колхозниктнэ ютксо книгань ды газетань ловномась. Бригаданть улить сатышка политической ды художественной книганзо. Паксянь стансо кармить

ловномо савикст Горькоень кре-изведениясто, Шолохово-ль „Поднятая целина“, Панферовонь „Бруски“, Бруно Ясенскоень „Человек меняет кожу“ романтнэстэ ды лия книгасто.

12 ломаньстэ комсомолецтнень виисэ организоваь культбригадань Сабеева велесэ, кона карми обслуживать Ленин. Киров ды Куйбышев лемсэ колхозтнень. Те бригадась жо—бригадатнэва ды паксянь стантнэва карми молднэме стенгазетат.

Курок ташто ды Од Мурза, Семилей, Од Тягловка, Кочкурова велень колхозонь паксянь стантнэсэ кармить невтнеме кинокартинат.

З. П.

Ловныцят, беседань ветицят—паксянь стансо

(Минек спецкоронть пельде)

Зубово-Поляннэ р-н Дубасовань комсомолонь комитетэсь, видемантнень анокстамонь шквастонть, покш работа ютавтось колхозниктнень культобслуживаниян тевсэнтэ. Колхозонь бригадатнэсэ комсомолецтнэ ютавтось кото промкест, кавто бригадаво организовасть личбэст, ютавтнэсть вайгальсэ газетань, художественной книгань ловномат, ловность шолоховонь

„Тахий Дон“, „Поднятая целина“, ды лият.

Комсомолецтнэ тейнэсть колхозниктнэнь 4 постановкат, молдась бригадатнэсэ стенной котэ газетат.

Паксянь стансо культобслуживаниянть комитетэсь организоваь музыкальной кружок, авель ловныцят, беседань ветицят.

Н. Заиграйки.

Комсомолецтнэ аравтнэсь ответственной участкава

(Эсинек спецкоронть пельде)

Индаронь районсо ламо колхозга комсомольской организациятне парсте аравтииз эсист виест тундонь видемасонгь. Примеркс Нижне-Вязьской комсомольской организациясонть весемезэ 28 ломанть. Неть комсомолецтнэ роботыть весе ответственной участкатнэва: вейке комсомолец—учетчик, кавто бригадирт, 5 тракторист, вейк яровизатор, 6 плугаргь, 8 изыцят, вейке ловсонь фермань заведую-

щей, вейке вельсоветань председатель.

Неть комсомолецтнэ, эрвась анокстась колхозниктнень культобслуживаниянть. Комсомолецтнэ инициативаст коряс добуваз: гармошка, радио, 5 шахматной лазг, колхозниктнэнь сермадность 40 экземплярт газетат, организоваь шумовой оркестра, молдтити 8 бригадной газетат.

Ив. Пузиков

Кузницян кенгшентень понгавтсь покш панжом

Кочкуровань район. Ташто Мурза велесэ „Труженик“ колхозсонь уш ды весе, кузница. Сень кувалт, што колхозонь правлениясь шквастонзо эзь анокста уголият ды лия эрвикс материал,—кузницясь 1935 нень мартонь 8-це чистэнь савь тедемек лиссь алак витне плуг, иашкас а роботы. Кузнецтнэ робомо дж сеялка марто. Эрви арьсемс, танть меельсэ чистэнь путызь ве-се виест ды кадовозь аламо шквасте уголиятнень—ды тейст пек покш панжом, пекстызь эйсэнь кузниця-

цянть, штобу курок аволь панжомо ды весе.

Кузницянть икеле аштит велем хозяйствань ламо машинат дж инвентарьт, котат эрвиить витнеме. Но эйсэст а витнить. Колхозось ви-иашкас а роботы. Кузнецтнэ робомо дж сеялка марто. Эрви арьсемс, танть меельсэ чистэнь путызь ве-се виест ды кадовозь аламо шквасте уголиятнень—ды тейст пек покш панжом, пекстызь эйсэнь кузниця-

Овод. П-кин.

Драпачт арась

Ташто Мурза велесэ (Кочкурово) труженик колхозось рана видеме лист апрелень 6-це чистэнтэ. 4-це ды 5-це бригадатне апрелень 7-це чис видить вадря качества марто 25 га пинеметь.

Ней уш колхозсонть ушодонь массовый видеамсь. Роботась моли аволь беряньстэ. Но берянь се, што колхозсонть а роботыть драпачт. Колхозонь правлениясь эзь меляво сень кис, штобу шквастонзо сынт анокстамс, кузнецтнэж: КЕЛИЧЕВ (комсомолец), СЛАДИН (партиянь членкс кандидат) эзь арьсе седе, штобу шквастонзо теке драпачт, конатне эйстэ пек ламодо зависит видеамсь. Драпачень аразь-чись криди колхозсонть видеманть.

Г. ОВОД П-КИН

С. В.

ВЕСЕЛА УЛЬНЕСЬ ВЛАДИМИРОВА ЛЕНАНЬ КУДОСО

НИЛЕЦЕ ОБРАЗЦОВОЙ ШКОЛАНЬ ПИОНЕРТНЭ ОТВЕЧИТЬ Н. К. КРУПСКАЯ
ЯЛГАНТЬ СЕРМАНЗО ЛАНГС

Сын сайсть обязательства: улемс примерной, культурной пионерэкс

Эйкакштнэ прядызь тонавтне-
маст ды листнесть ушов. Сынъ
нильнесть тундонъ ванькс кош-
тонть.

Полежаева Тонянь тетанзо аванзо
квартира икеле аштесть пионер-
кят ды эсь ютковаст толковасть
мезень бути теуде. Аламо шкань
ютазь лиссь Тоня. Оон ашо паця
сюлминесэ ливтсь тветкэ видь-
мекст. Эйкакштнэ сыргасть шко-
лав ды модемстэ мартоост пур-
насть эсист ялгасть образцовой
нилецке школань 3-це звенань
пионертнэнь. Сынъ, мольть шко-
лань пиреньтень цветка пандянь тей
неме, штобу кизна улевель косо
тест культурнасто ды организо-
ваннойстэ ютавтомс каникулат-
нень.

— Ванодоэйкашт, ков истя ка-
пи Лена—мерсь вейке пионерка.
Вансть весе коданя чим сынст
эвенань вожатоесь—Владимирова
Лена. Кедьсензэ сонзэ „Пионерская
правда“ газета. Галстуконзо лий
невтнесть тундонъ четве варминесэ.

— Эйкакшт! Вана авсяк кандызь
тень. Те газетасонть Надежда Кон-
стантиновна Крупскаянь сермезо.
Те серманть сермадызе весе пи-
онертнэнь ды школьниктнэнь—
оймень апак таргсе, пек радувазь—
коргась Лена.

— Адыдо нейке-жо миненек. Ми
неж кедьсэ ловлюсьнек серманть.
Цветкань озавтнеманть кадсынень
валскес. Ну, адыдо!

Ленань квартирасо

Эйкакштнэ понгавтнизь тулова
одижасть ды совасть икелесе ку-
дос. Ванькс, цветкасо наряжазь
комнатнэ. Стенатнэна понгавтнесть
Ленинань, Сталинань, Кировань,
Крупскаянь портретэст, фото-кар-
точкаст, видить ды мазнй лия
картинкаст. Вальманть вельксесэ
нурьгс мазыстэ викишнэзэ ару-
жовань шторка. Вишка столъ-
ненть лангсо ульнесть парсте вач-
каз Ленань библиотечказо.

Ленань авазо, Нина Васильевна
а содат, кона шкане кеверстизе
самоваронть, столенть лангс ацась
ашо шолжонь столешиня. Пионер-
тнэ вейкест-вейкест марто кор-
незь ойсесть столенть перька.

— Монь войсэ эряви терьдемс
школань заведующеенть—Любовь
Михайловна—мерсь Какурин
Коля.

Терьдизь заведующеентькак.
Зярс эйкакштнэ ойсесть, Ле-
нань тетязо—Георгий Николаевич
патефоновтень аравтысе „Ноговай-
ская гитара“ пластинкасть.

— Те пек уш лужаниясто моры,
тон тенеж седе весела моро
равт. Ну, примерзе „Гоп со-смыко-
енть“ кондямо—пшкадсь эйстэст
вейкес. Путизь се пластинканти.

Крупская ялганть серманзо лов-
номо кармась пионер Егунов. Эй-
какштнэ пек парсте кунсолызь
ды чаркодизь серманть.

— Вана ней экашт дайтия кар-
матано кортамо улит эли аравть
минек ютконок истят тонавтницят
ды кодамо ответ кучтано серманть
каршо Надежда Константиновна-
нень—пшкадсь Лена.

— Ермакова, тон знярдо лоткат
чавномадо вишка сазоркат.

— Иля, иля отказа. Монсь ведь
нентинь кода исяк таго чавик сон-
зо.

— Лечочка, мон больше тонь мар

то севнокшнэмо а карман. Тонгак
ведь а кармат? А?

— Мон аволь ансяк монсь а кар-
ман кольнекшнэме, но Юрканьгак
лоткавтса. Ато сон, то авто маши-
нас поводи, то крандаз удалов прок
кирмалав кунды—кортнесть эйкак-
штнэ.



СНИМКАСОНТЬ: 3-це звенань
пионерэнь вожатоесь—Владими-
рова Лена.

Пионертнэ эсист ды ялгасть
„грехтнэнь“ лангс таргсезь, мусть
ламо а сатыкест эсист ютко шкаст
ютавтомасо ды налксемасо. Сеске-
жо максть вал, штобу неть аса-
тыкестнэнь седе курок маштомс.

„Примерной пионерэнь кис“ ло-
зунгонть коряс, бородазь сынъ ку-
чить Крупская ялгантень серма.

Теде мейле ловнызь сехте парсте
тонавтницятнэнь обращенияст, ко-
на ульнесть сермадовь республи-
кань весе школьниктнэнь. Эй-
какштнэ таго бумолгадсть.

— Мекс Куликова чуросто ашля-
кшны пеензэ?

— Минь тесэ тензэ теде мердяно,
штобу сутканть кивкест шлякшнов-
линзэ.

Стясь таркастовзо Какурин Коля
(отличникень слетонь делегат) ды
мерсь:

— Мон, прок сехте парсте тонавт-
ница, карман лездемо парсте то-
навтнеманть кис бороцямосо лав-
шосто тонавтницятнэнь Бркиннэнь
ды терьдяв эсь ладсон тееме тесэ
весе аштицятнэнь.

Остатка пионертнэ примизь Ко-
лянь тердиманзо. Примерной пис-
теекстэ.

нерень кис бороцямосонть соцпелъ-
кстамос тердизь Ермакова Тама-
рань звенанть. Лена ванькс чанть
кис бороцямосо тердизе Какури-
нэнь.

Столь лангсо аштиця патефо-
нонтэ заудизь весела моронь мора-
мо. Столенть лангсо каньфеткат, пе-
ченият, калаца, варения ды эр-
ванть икеле чай марто чашка.

Чайде симемстэ Любовь Михай-
ловна ламо евтнесть тапшто школа-
донть, сестань дисциплинадонть,
кода поптнэ муцясть пакшатнэнь
ды тень марто ламо эйкакшт ка-
довсть апак тонавтне, кой-конатне-
жо попонь линейкатнеде каднызь
школантькак.

Спиридонова ловнось границань
томбале школьниктнэнь эрямодост.
Полежаева Тоня ловнось Китайсэ
эйкакштнэде стихотворения.

Сайсь вал Ленань авазо. Сон
мерсь, што ютась нестэнтэ сынъ
эсист ютксо (Лена сазорканзо мар-
то ды сынст тетяст-аваст) серма-
лесть соцпелъкстамонь договор. Те
договорось пек лездезь эйкакшт-
нэнь культурнасто ютко шкань,
ды эрямонь ютавтомантень ды парсте
тонавтнемантень. Сынъ нейгак сер-
мадсть содоговор. Ленань авазо
ловнызэ сонзэ. Договоронть при-
мизь ды кочкизь Какуринэнь, По-
лежаевань, Егуновонь ды эщо вей-
ке пионерканть те договоронть про-
веракшнэмо. Максть вал Каку-
рин ды Егуновгак сермадстомс те-
тяст-аваст марто истят договор.

Остаткань пелев заведующеесэ
мерсь:

— Минек школосо улит течень
чис лавшосто тонавтницят. Курок
неть лавшосто танавтницятнэнь
тетяст-аваст марто пурнасьнек Ло-
патовань кедьс ды течень ладсо
карматанэ толковамо мартоост.

Патефоновсь морась „Полякканть“
эйсэ. Пионертнэ весе вейсэ коря-
зонзо тонцовасть. Мейле налкесетъ,
киштнесть ды моркест тундодонть
морот.

Киньгак арасель мелезэ туемс то-
сто.

А. Мартынов.



Мокшарзянь государственной театрасэ аравтсь кеме сюлмавкс
подшефной Н-ской частенть марто.

Снимкасоть: (кершкедь еност, вить кедь енов) Тягушев артис-
тэсь, Гольдберг ялгасть (Н. частьстэ), театрань директорось Новиц-
кий ды администраторсь Колец ялгасть шефской роботань планонь
теекстэ.

Юнкортнэ сермадыть

Комсоргось морци хулиганской морот

Игнатовань районсо Ташто Кшу-
манцянь комсомольской организаци-
ясонть кото комсомолецт. Комсор-
гокс тосо роботы нарсудонь секре-
таресэ Вертьянов. Оон комсомоль-
ской роботанть содасы, но а содасы,
кода роботы комсомольской органи-
зациясь ды кода эрить комсомолецт
нэ. Истяжо сон а соды, кода робо-
тыть ловсонь, ревенъ ды тувонь
ферматнестэ аволь союзной од ло-
мантне. А лездез стэнгазетатнэнь
нолдтнемстэ. Седеяк берянь, сон
чалгась хулиганонь ки лангс. Яки
ульцява, морси вульгарной морот,
налкси картасо.

Райкомонь комсомолось теде соды,
но мерань примамо а каппи.

Содыця

А содасызь зняро комсомолецт

Покровской велесэ икеле ульнесть
Торбеевань районсо. ВЛКСМ-нь рай-
комось ловсь те велесэнь первич-
ной производственной организация-
сисем комсомолецт марто.

Ней Покровскоенть максызь Ко-
вылкинань районс. Велесэнь ал-
кукс ули организация. Улитъ ком-
сомолецт, ансяк аволь сисем, кода
ловсь Торбеевань райкомось, весе-
меэ колмо ды нетькак аволь произ-
водственникт.

Жарков комсоргось роботы вель-
советонь председателенть заместит-
елькс. Омбоце Жарковось роботы
истяжо аволь колхозонь производ-
ствасо ды колмоцесэ Субботия робо-
ты из'ачекс.

Нетъ ломантнэнь комсомольской
документэст аравть, ематнизь. Ком-
сомолецтнэ од ломантнэнь ютксо
кодамоак робота эсть веть. Торбе-
евань райкомось тест эзь лезде.

Ансяк меельс пелев читнестэ,
знярдо Ковылкинань райкомсто
мольсь представитель организациян
тень лездемо, комсомолецтнэ кар-
масть роботамо од ломантнэнь ют-
ксо. Ютавтнесть од ломантнэнь мар-
то промкст, беседат, кавто од кол-
хозникт — Нефедькин, Грешняев
максть яволявкест комсомолс сова-
модо.

ВЛКСМ-нь райкомонтень эряви
седе сеедьстэ эрямс Покровскойсэ,
лездамс комсомолонь организациян-
нень.

Ионов.

Комсомольской конюшнясь аволь образцовой

Зубо-Полянской районсо, Ачаров-
ской „Валдо эряф“ колхозсонть
икеле роботась комсомольской лии
мень кардо, Тосо конюхокс робо-
тасть комсомолецт. Кардось ульнесть
образцовой. Ней-жо а содавикс ко-
дамо причинань, коряс комсомоль-
ской кардось каладсь. Тосо роботы
комсомолецт старшей конюхокс—Са-
вкин ды роботыть конюхт—комсомо-
лецт.

Бути варштатано лишметнэнь
лангс, то нейдяно, што сынъ ике-
ленъ коряс пек беряньгадсть. Ко-
нюхтнэ мелыгаст икелень коряс
якить беряньстэ, кардосонть рудаз.
Лишметне сеедьстэ эрить вачодъ ды,
апак сымдя. Ветъ лишметнэнь ван-
номо кияк а листни. Дежурной ко-
нюхт а эрить.

Кода вань комсомольской органи-
зациясь Савкинэнь ды лия комсо-
молецт-конюхтнэнь роботаст лангс?

Ягми.

ЭРЬВА ОД ЛОМАНЕНТЬ МЕШТЕС—„ГТО“

Седе покш мель физкультурань роботантень

Эщо 1934 иестанть Лямбирень районсонть малав овси арасель физкультурной работа, арасельть организоваз физкультурной кружоктак. Мейле, секе жо 1934 иенть сентябрия ковсто мон ульниль тов зучозь райСФК-ань секретарекс.

Става ульнесь ушодомс физкультурной роботанть, секс, што районь вейкеак организация тень кис эзь мелявто, кияк эзь лезда ды ламот мие пеелесть ды мешасть. Яла теке мон, муинь физкультуранть вечици ломанть, пуринь эсь перькан синст ды куроксто организоваз физкультурань 5 коллективт ды 4 кружокт, конат ней роботыть уш а беряньста, сынъ сеedyста выступают клубсо. 1934 иенть прыдовом малав минь 120 ломанть таргинея ГТО-нь значокс нормань максомо. Эйстэст 30 ломантне кенерсть максомо кизень норматненъ ды тельня максомъ тельнень норматненъ.

МАОСР-ань ВСФК-ась 1935 иентень максомъ тенея контрольной задания, штобу 50 ломанть максомовль ГТО-нь 1-нь ст. значоконь норматненъ ды 50 ломанть максомовль БГТО-нь норматненъ. Ды ней уш минь 30% тонавтинея ГТО-нь 1-нь ст. норматненъ максомантень ломанень таргамонь планонть. Телень 45 ломанть максомъ тельнень видтнень. БГТО-нь значокс тельнень норматненъ максомъ 95 ломанть ды 4 ломанть максомъ уш весе норматненъ.

Нама, минек роботасонть весе иенть показателтне эщо аволь пек покшт, те шкас уш можна ульнесь теомс седе ламо. Но яла теке прынь апаж шна мерян, што Лямбирень районсо физкультурной роботась касы. Ды минь эщо седеяк ламо теидяно те иень визэнтъ, ансяк эряви, штобу райононь весе организациятне седе покш мель путовольть те пек важной тевентень ды кармавольть лездамо.

И. Ф. Игошин.

Лямбирень райСФК-нь секретарекс.

Телень сезононть итогонзо цифрасо

Апрелень 1-це чистэнтъ прыдовсь физкультурань роботань коряс телень сезононь.

Республиканть велес роботасть соксxo виракснемань коряс 32 ставцият 1300 парат сокс марто. Те иень январень 1-це чистэнтъ апрелень 1-це чис республиканть велес соксxo виракснемань коряс ГТО-нь 1-нь ст. значокс норматненъ максомъ 2493 ломанть.

Телень сезононть таргазъ 111 ломанть ГТО-нь 2-це ст. значокс ды 2182 ломанть (пионерт, эйкэшт) таргазъ БГТО-нь значокс нормань максомо.

Январень 1-це чистэнтъ апрелень 1-це чис 175 ломанть максомъ ГТО-нь 1-нь ст. значокс весе норматненъ ды 80 ломанть максомъ БГТО-нь значокс весе норматненъ.

Телень перть ютавтозъ физкультурань 74 чокшветь. Физкультурань эрва кодамо темас теев 24 докладт ды беседат, ды радио, вельде лонвож 37 беседат, докладт ды информацият.

Республиканть велес апрелень 1-це чиять самс роботасть шахмат-шашечной 23 кружокт, конатне эйес тонавтиль 276 ломанть.

Физкультурань роботань телень

РайСФК-нь секретарьтне Очкин ды Иванов ялгатненъ кедьсэ

Апрелень 5-це чистэ физкультурань республиканской высшей советень председателес Очкин ялгась ды ВЛКСМ-нь обкомонь секретарес Иванов ялгась ютавтсть беседа райСФК-нь секретарьтненъ марто.

Те беседастонть Очкин ды Иванов ялгатне аравтсть секретарьтненъ икелев конкретнойт задачат, конатненъ перька те шкане эряви ютавтомс роботась.

Иванов ялгась кортась, што СФК-нь секретарьтненень районсо эряви борацямс культурной од ломанень кисе. Кастомс шумбрат, кеметь, смеет ломанть—социализмань строицят, конатне бу эрва минутсто улевельть анокт минек масторонь ванстомангень.

РайСФК-нь секретарьтненень эряви покш работа ютавтомс эсист знанияст кастомасо, тонавтомс эрвантень апаж лотксе, эрва чи-

стэ. Политически аволь грамотное, секс СФК-нь секретарьтненень эряви тонавтомс Марксонь-Ленинень Сталинень теоретической основаст.

Иванов ялгась кортамонзо прыдомсто надиавтынзе секретарьтненень, што ленинской комсомолось физкультурань дрижениантень икеле пелевгак карми лездамо. Купер.



Те иень мартонь 25-це чистэнтъ апрелень 10-це чиять самс ВЛКСМ-ень ЦК-анть решениянзо коряс Саратовской ульнесь ютавтозъ физкультурань райсоветенъ секретарьтненъ анокстамо ды одс анокстамо.

Снимкастне: райСФК-ань анокстазъ ды одс анокстазъ секретарьтне, керш ендю вить енов 1-нь рядсонть: Качу (р.ч.ч. Атяшево), Шлыкав (Рыбкина), Лакин (Чамзинка), Кулигин (Арлатова), Кирдяшев (Игнатово), 2-це рядсонть: Егосин (Лямбирь), Мельников (республикань ВСФК-а), Иванов (ВЛКСМ-ень обкомонь секретарес), Очкин (Респ. ВСФК-нь пред.) Купер (ВСФК-нь отв. секретарес Петров (Ичалка), Бородулин (Дубенка). 3-це рядсонть: Сисеев (Кочкурова), Неверов (Краснослободск), Говачев (Рузаевка), Ларионов (Саранск). 4-це рядсонть: Басяев (Березники), Казинцев (Инсар), Большаков (Торбеева), Коблов (Темникова), Гадин (Ромоданова), Марков (З-Поляна).

Эщо седеяк парсте карматано роботамо

1934 иенть прыдовом малав Саратовской ульнесь физкультурань роботань коряс республикань спартакиада. Те спартакиадасонть васень тарканть саизе Ичалкань районсо. Физкультурань роботанть парсте организовамонзо кис

Ичалкась получаць премия.

Спартакиаданть мейле минь эщо седеяк кеместэ кундынек те роботантень. Телень перть минек районсонть зярря од ломанть максомъ ГТО-нь значокс нормань телень видтнень. Минь физкультуранть совавтынек колхозникенъ массатне юткс, секс значоконь норматненъ максомъ юткс пек ламо сыре колхозникт.

Те кизэнтъ минь районсонть теидяно водной станция, районной стадион, физкультурной площадкат колхозга.

Мон ней ульниль райСФК-ань секретаренъ анокстамонь ды одс анокстамонь курссо. Сынъ монень максомъ пек ламо. Мон теев получия лия райононь роботниктненъ опытэст. Курстне тенея максомъ установка, кода эщо седеяк парсте аравтомс физкультурной роботанть, ды сех пек велесэ, колхозниктне юткс.

Ней ушодови физкультурань роботань коряс кизэнь сезонсо. Минь карматано бороцямо сени кис, штобу эщо седеяк парсте аравтомс физкультурань роботанть.

8 районт менстязъ укшномань ды венъшсэ уйнемань нормань максоманть эйстэ

Сең кувалт, што минек республикасонть кой-кона районтасэ аравть повш лейть ды эркетъ, секс тосо а кода ульнесь максомс ГТО-нь значокс укшномань ды венъшсэ уйнемань коряс норматненъ.

МАОСР-ань ВСФК-ась тейнесь ходатайства СССР-ань ВСФК-антень, штобу сетъ районтненъ, косо аравть покш лейть ды эркетъ, менстамс укшномань ды венъшсэ уйнемань норматненъ.

СССР-ань ВСФК-ась максомъ соглашения, штобу укшномань ды венъшсэ уйнемань нормань максоманть эйстэ менстамс Атяшеванъ, Дубенканъ, Чамзинканъ, Игнатованъ, Кочкурованъ, Торбееванъ, Рузаевканъ ды Лямбирень районтненъ.

Совась юридической членэкс

Физкультурань МАОСР-ань высшей советес совась Саратовской аэроклубонть юридической членэкс

ды каясь товонь веде сядт цедко войть ярмакт.

Райкомось мик а соды

Ичалкань р-н. Районсонть комсомольской взносоны пурнамось моли беряньстэ. Улить первичной организации—Р. Баево, Ичалки ды лият, конатненъ мельга улить задолженность эцц 1933-1934 иетненъ.

Ичалкань первичной организации 1934 иенть овси эсть пандо вносоны кавто комсомолецт Едилькин М. ды Кузнецов П. 1935 иень васень кварталонть эсть пандо вете комсомолецт—Чиченки, Тихонов ды лият, Неть комсомолецтненъ марто мерат эсть прима.

Р. Баево — Липин комсоргось журналь взносоны, 1933 иестэ сазезь 1935 иень мартонть самс, кас саз эвинзе максо, ютавтынзе эвинзе лангс.

ВЛКСМ-нь райкомось беряньстэ работи тень кувалт, штобу маштомс взносоны задолженности ды ветама пурнамось коряс работа. Сон мик а соды зяро процент топавтоны 1935 иень васень кварталонть задолженности ды кодат организацият зяро пандеть.

А. Додонов

Теньгак ловить ловнома кудокс

Темниковань районсонть Жегалов велень кавто этажсо кудо конясонть сермадозь, што тесе ловнома кудо. Ушо пельде неяви, бую те элкуксак ловнома кудо. Но кода кармат совамо потмозово, икелевгак лейсак кенгшсэнь понтавтозь покшток-покш панжоме. Те панжомась недлянь-недлянь аштекшны кенгшсэнь.

Бути-жо кодакэ тетя сави суваме кудонть, сельмевать каявить кияксонть атак теньсе сортна. Потелотнэва вурьгит зярдоя атак урядакшно чанжавонь котостэ. Столангтнэсэ ваяить ташто газетат, светляк сезнесть. Уголсо ашти кинишка марто шкап. Лемезе бую библиотека. Но те "библиотекасонть" черевь порезь коменшка кинишгадо башка мезеяк арась.

Стенатнева нургить прок сезнезь овчина пангст плакататне, конатненъ нурьгиця пест теньцить кияксонть.

Ловнома кудосонть кодамоак робота арась.

Од ломантненень тосо кияк эв ловно газетат, журналт. Промст мартоост кияк эв тейне.

Тестэ чаркодеви, кода Жегалова со скулмавсть культпоходонь ютавтема конкурсонть.

И. А. С.

Получась казне

Аволь пек умок Саранонь "Красный Октябрь" типографиясо организовазь Всерообпомонь Обществань кружок.

Организаторсь Страхова Н., кона производствасяк ударница (ней работы шкань бригадиркакс эрзянь газетатнэсэ).

Типографиянь ячейкасонть 62 ломанть, конатненень максозь членской билетт ды пандозь сынтт весе членской взносоны. МАССР-нь Всерообпомонь обществань презиумонть пельде представитель Но викове ялгась январень 9-це чистэ вадрысто роботамонь кис максась Страховань Всерообпомонь ударница—активисткань удостоверение ды Всерообпомонь значок.

Лия производствасо Всерообпомонь обществань кружоктне саеде пример Страховань эйсет.

Г. Паршин.

Соединенной штатнэсэ безработнойтненень лагерть

300 тышат безработнойт, конатненстэ сех ламо од ломанть, аштитт неень шкастонть Американь Соединенной штатнэсэ специальной лагерьсэ. Кода тешксты американской печатесь, властне аравтсь эсист икелев-цельть "контролироваме безработной од ломантненъ, конатне невтит эсист социальной недовольства".

Неть лагертьнэсэ безработной од ломантне ютыть американской офицертненъ руководства коряс полувоенной тонавтнема, роботыть кинь строямосо ды лия тевсэ. Лагертьнэсэ аштиця ломантненъ ламолгавтсызь кавксть. Неть лагертьнева уш ютасть вейке миллиондо ламо ломанть.

Правительственной аволь полной сведениятненъ коряс, Американь Соединенной штатнэсэ неень шкастонть лововить малав 3 миллионт безработнойт, 18 иестэ сазезь 24 иень топодемс од ломанть.

Манчжуриясо партизанской бороцямось яла виензы

Китайской газетатне пачтита куля, што Манчжуриясо ды ЖЭХЭ-нь провинциясонть партизанской бороцямось яла виензы. Апрельнь 3 це чистэ 200 партизант, конатне бороцясть ЖЭХЭ-нь станциясонть 120 километрань тарка. Чи лисема пелев—кружизь Японо-Манчжурской полициянь отрядонть ды тейсть тензэ пек покш поражения. Боруцямстонть маштовсть манчжурской ламо солдатт ды японской офицерт. ЖЭХЭ-нь ды ХЭБЭИ-ень провинциятнэсэ а умок кепетечь крестьянонь восстания, конатненъ лангс пек лепштыть Японо-Манчжурской властне. Восстаниянь лепштыамо кучозь японской войсской часть.

Китаень Якстере армиянтэ изнявксонзо

Японской печатесь пачти куля, што Китаень Якстере армиясь 60 тышат ломаньстэ, неть чистнэсэ занязьчанси ошонть, кона ашти Сычуань провинциянь центральной частьсэ. Якстере армиянь наступ-

лениясь моли. Нанкинской правительстванть военной кругтнэнь арсемаст коряс Якстере армиясь может маласо шкастонть зянямс почти весе провинциянтэ.

1913-це ИЕНЬ ПРИЗЫВЕСЬ

Ковылкина сези призывентень анокстамонть

Призывентень анокстамонть кувалт Ковылинкань районсо тевесь моли беряньстэ.

Тосо апрельнь васень чис призывниктнэнь ютксо сермас асодамось маштовь ансяк 15 процентс, сермас лавшосто содамось 7 процентс. Сермас а содыця допризывниктнэнь тердтнэсь ликбезень воензированной пункто, но райисполкомось (предэс Панков) сынтт самонтень эв анокта тонавтнемавь помещеният, райОНО съ завось Гусев эв анокта школьной роботникт, учебникт. Допризывниктнэсь мекев тукшность кудовасть. Троицкой, Волгапинской, Изосимовской вельсоветнэсэ сермас лавшосто содыцятненъ марто кодамоак робота кияк эв ютавт.

А седе парсте моли тевесь саредияця допризывниктнэнь лечамосояк. Тосо 5 ково саредияця допризывниктнэнь лечивь ансяк 24 процентс. Те сестэ, зяярдо районть келес улить ламо больницат, специалист-врач.

Санитарно-просветительной роботанть кувалт медицинской роботниктнэнь марто эв тейне вейкеяк совещания.

Социальной ды политической положениятнеде характеристикатне пурнасть ансяк 88 процентс, конатнеде эсть кортне робочееень ды колхозникевь промктивсэ.

Военно-физической подготовкась ютавтозь ансяк 27 процентс. Ворошиловской стрелокт районть

келес аноктасть ансяк вейке лама. "ГТО"-нь значоконь савманть норманть максывь 4 ломанть. Допризывниктнэнь ютксо социалькстамо арась.

Сави ансяк ледетамс, што Ковылинкань комсомолонь райкомось седеень оймазь ваи неть безобразиятнэнь ланге ды лови аволь эрзяксэке сынтт каршо бородамонть.

И. Морев.

Пелькстыть формально

Атяшевонь р.н. Челпановань десятилетка школосо студентнэ формально скулмавсть пелькстамо. Улить тейнезь пелькстамонь договорт группатненъ, башка студентнэнь юткова, но неть договортнэнь а проверякшныть.

Школань директорось Тюрин, комсомолонь организациясь ды профкомось а ветить элкуксонь робота пелькстамонть ды ударничаствать перька.

Пера.

Ответ. редакторось М. ЛЮПАЕВ


Главлит № 718.

Заказ № 1112.

Тираж 2159 экз.

гор. Саранск типография "Красный Октябрь" Мордгиза.

Редакциянтэ адресэзэ: Саран ош. Володарская, 34, телефон № 21.



СНИМКАСОНТЬ. Проверить машинатненъ невгезь таркас молемань бойка чист "токийской полицейской частьненъ происшествия".